

曉閣詩鈔

專輯 下冊

琴

城

在

人



第七輯 霍邱文史館

主编 刘士洪



古今

第七辑 下

霍邱文史馆

贰零零零年拾贰月

中華民國戊午春三月出版

版權所有

共四冊定價大洋貳元

著作者

裴景福

印行者

金保權

印刷所

上海商務印書館

發行所

安徽和縣公署

寄售處

上海商務印書館

曉閣詩鈔卷五

西征集上卷

霍邱裴景福伯謙著

嶺南金保福受荃書

出門放歌

梁鴻五噫因何事
王粲七哀殊可憐
白日滔天流到海
黃沙莽莽連天金
尊美酒難成醉
丹竈竒方不羨仙
開卷無言見皇古
出門搔首已華顛

過沈香浦

兩後靈洲展黛眉
石門斜照半開時
鑪熏携有沈香

片撥棹清溪愧隱之

飛來寺

酣睡將及午青山破夢嚙開眼凝碧灣健步飛來寺
昔誦坡公詩更讀禹峽志仙人最詭詭拔宅小游戲
浩蕩飄瞥間吹墮五嶺外標名福地後往來洩靈氣
六鼇骨已霜圓嶠將成市石泉本清激觸物即垢賸
祈佛轉風輪再奮崑崙翅招手鸞鶴游永使塵踪閔
南雄太平橋步月

散步橋頭月清輝兩岫同孤城雄嶺表一水匯湏東
山近迎金馬波澄卧彩虹盲翁高興發拍板唱玲瓏

梅閼

宋史嘉祐八年蔡挺提刑江西兄抗濬廣東乃修嶺路建梅閼於嶺上種松數百株

以分江廣之界

函閼啟後梅閼閉大長威後泥一丸五嶺東蟠秦成
遠萬山北走楚天寬枝頭春盡虛芳訊衣上雲生接
暮靄滄海樓船今孔道洪崖蕭瑟夏猶寒

大庾嶺

連峰夾峙見神工斧鑿盤紆一線通
佗老霸才能設險曲江心事蕩平中

現行過嶺之路乃張曲江開鑿

嶺北梅

嶺上梅花近年徐花農學使補種松之大者逾數抱高十丈約百餘株豈蔡家

兄弟遺愛歟

関内梅花関外松山深鶴去白雲封芳情欲寄江南
信青子低垂綠意濃

過嶺遇雨

連村掛綠五稜黃六月泔河水似湯十有三年苦炎
熱纔過庾嶺便清涼

南康道中

章水清々雨後黃四圍山色黛眉長農田不識溝渠
志自有天車灌地漿

贛州

贛南形勝鬱蒼々抗楚凌吳控五羊欲識文成功德

處双流章貢較深長

由十八灘至萬安

亂石沿流劍戟攢
篙師嬉酒狎奔湍
最難青雀黃龍客
多少驚魂十八灘

夾岬幽居帶遠巖
上流明鏡下流寬
礮車雲散風波定
也得收帆住萬安

萬安得鰯魚

幾年活潑贛江春
細口修鱗白勝銀
何事泳游貪寸餌
輕刀飛雪涸饞唇

舟過廬陵仰歐陽文忠公

雄文誰擯退之長大筆惟公繼有唐偶吐光芒驚竈
婢還餘涕淚寫龍岡寒江秋月愁遷客白髮蒼顏說
醉鄉日暮扁舟何處泊近城烟樹望微茫

吉安得鯽魚

網得吉安生鯽魚旋分河水佐園蔬從來烈火膏煎
裏大半清流骨鯁餘池裏仁心增我愧座中名士至
今虛年來輕試烹鮮手從此臨淵不羨漁

過吉水欲謁解大紳祠堂不得

學士祠堂何處尋城隅綠樹晚陰陰平湖斜照靴紋
細遠岫新晴眉黛深鳳閣銀章抒謹論蠻荒丹荔助

庚信哀時
方評

哀吟手掣蘭芷江皋立欲寄夫君感不禁

學士為一代才人直言敢諫奏牘具在讀之神旺
明初葉之賈長沙也乃以忠獲罪竟至不得其死
悲夫

舟過吉水弔文忠烈公

烟水荒涼故國秋湖山平遠暮生愁孤臣柴市衣襟
血淚眼蓮花海角舟有死丹心存宋社無情雪浪湧
章流分明屈子沈湘恨忍過西江第一樓

端午日舟次新淦邑宰周介人贈酒肴甚盛同
行沈敬亭與介人有舊賦此寄謝

胎息山谷
晋老評

天山萬里在何所我行新塗過端午荒江寂寞泊孤
棹那有綵繩繫艾虎賢侯捧檄初下車愛人除害今
周處已憐黃祖厄正平更惜烏孫嫁公主長瓶短檣
何磊落同行九人八人舞小人少飲輒先醉船頭卧
聽奪標鼓窮途每遭俗眼白千金一飯非小補故人
孫宰義薄雲翦紙招魂到杜甫隱侯今與今有舊愛
屋及烏誼亦古二更水宿樟樹鎮新月娟、墮洲渚
夜泊豐城

城頭北斗夜深斜烟水平湖叫怒蛙神鈔化龍難久
閩人間何處覓張華

洪鑪鼓鑄合陰陽紫氣騰霄自太康忍見神州沒河
洛延津風雨斂光芒

滕王閣

章江一洩千餘里彭蠡北匯匡廬峙大唐帝子蔚靈
光嵯峨高閣雲霄裏雄文四傑振初唐一夕風颿助
馬當秋水長天寫寥闊珠簾畫棟生輝光我来笠帶
黃昏色以手摸碑讀不得西山日落烟光紫南浦潮
回渙火黑北蘭寺古劫灰飛柱殿蘭宮冷落暉靈祠
蕭鼓蛟龍徙舊館丹青蛺蝶歸凌晨弔古江之濱憑
欄招手雲中君金幢玉節紛來下風馬雲車走百神

閣舊在北蘭寺前江岼上面對西山與子安序中景物悉合道光末年寺災閣亦燬始移建章江門外徙江河神廟以成之北蘭故址今已為銅元局矣

書杜集後

詩亡誰續楚騷憂杜老哀歌仰白頭
栴樹秋風茅屋漏浣花春水草堂流
亂離稷契終無補心事匡劉古與儔
最是感人忠愛作惹予清淚不能收

德化別汪六笙

弄人造化欲如何歧路逢君快事多
滕閣捲簾朝喚酒匡廬對鏡夜橫戈
樓烏楊柳金閨怨天馬葡萄玉

塞歌忽被晴雲催曉發離情分付九江波

大江明月照潯陽未聽琵琶已斷腸紅袖青衫湓浦
夜吹笳折柳渭城觴欲消馬角烏頭恨誰贖蛾眉駝
背裝西望隴雲莫惆悵君恩從古重沙場

九江仲若別後卻寄

飄去江何遠林空月亦昏鄉書惟涕淚夜雨共乾坤
多難遺親累生還仗主恩蹉跎居未卜力弱爾當門

黃梅

堤外平湖碧似環堤中稻綠水潺湲數峰荒遠倪迂
畫知是黃梅附郭山

枕樓一睡三千里扶入簾與眼倦開新雨泥深茅屋
漏黃梅風味似紅梅

紅梅司屬南雄州由廣東至九江均舟行僅過嶺
陸行九十里六月初二日過江第二程宿黃梅此
後不見片帆矣自記

玉照山禮釋迦寺

袒胸指指淨威儀七寶樓臺白玉基畢竟西天真樂
土魔王鬼母頌慈悲

一峰蓬勃化城東荆棘籐蘿欲蔽空果假攀援凌絕
頂早呵電母喚雷公

寓不干權要
之意

僧出誦經故
卷門深閉此
唐人妙境

山行

斷橋沙淨水清冷
隔岫茅茨晚誦經
微雨苔深山磴滑
一菴松竹閉門青

桐城雜詩

青纏布韞掛車河
雲錦屏開展黛螺
栲栳東來峰勢寢
夏雲墮地海生波

名山泚秀缺文人
天柱龍來作勢神
我為正宗求斗嶽
望溪惜抱兩嶙峋

香草峰尖猿鳥啼
故人家住翠微西
長眠已熟珠江夢
小鳳聲清老鳳悽

舊嶺南同官黃子惠恩家住香
草尖下子惠下世其尊人梅莊

先生攜其孫候余
旅舍中共餐而別

君歟黃梁我荷戈九原萬里恨如何牽衣各有閭門
慙死別生離淚孰多

待翁詩字兩稱雄摯老文章傳誌工丰酒隻雞虛舊

約中箱遺墨皎然

桐城江有蘭號待園工書而詩
亦高妙父執老父也歿已三十

年摯老去
年亦故

陶冲驛外双白鷺河水東流揚素波過橋西塊盤石
上有女浣沙披薄羅

聞道樅陽百里湖荷花無際水平鋪他年料理青油
舫踏徧螺山畫作圖